

欽定四庫全書

子部

仁端錄卷十六



詳校官太醫院吏目臣周世泰

編修臣倉聖脈覆勘

欽定四庫全書

仁端錄卷十

齊民要術

正疹門

書

明 徐謙 撰
陳葵 刪定

疹子之名隨地各異江浙謂之痧子新安謂之麻子北地謂之疹子其病以透發避風節食解毒為主若以易出易沒而忽之必青立至出現三日身和色淡者為順

從頭至足俱出者為齊頭面最多鼻梁一直上下俱有者為透以次收沒者為吉

疹斑水赤癰丹各別歌

疹如麻子斑如錦水痘如珠赤色紅隱藏不現亦不沒丹突如雲片塊全

原疹賦

疹雖胎毒多帶時行先發于陽後發于陰毒盛于脾熱流于心臟腑之傷肺則尤甚始終之變腎則無症憎寒

壯熱有似傷寒眼胞困倦而難起鼻流清涕而不乾咳
嗽噴涕少食煩渴身疼氣急嘔吐泄瀉腮紅眼赤邪目
視之隱隱皮膚之下以手摸之磊磊肌肉之間其形若
疥其色若丹出現三日漸沒為安隨出隨沒喘急須防
根顆若腫兮疹而無癰皮膚如赤兮疹以夾斑如錦鱗
明兮十有九效似煤灰黑兮百無一痊毒欲發盡而勿
留疹欲出透而無病或邪氣之鬱遏兮留而不去或正
氣之損傷兮困而未伸毒歸五臟變有四症歸脾胃兮

泄瀉不止而變痢歸心肝兮煩熱不退而發驚咳嗽久
而出血兮毒歸于肺牙關爛而疳蝕兮毒歸于腎肺受
風寒忽生喘急心肺火燍口舌生瘡毒為食滯腸鳴腹
痛肺胃蘊熱津液長乾發不出而煩躁兮不久即死黑
不變而胝妄兮必不復生氣蒸蒸兮色赤痢滴滴兮氣
腥羸瘦骨肉之氣脫癰癰智識之神昏喘急兮胸高肩
聳疳爛兮漏腮缺唇休誇當世之妙手難留一息之遊
魂更有恣食醎酸咳嗽痰涎之不已喜啖辛燥火熱焰

灼之不寧甘甜過而齒齲生冷多而糞清鷄易生風魚
能動火食之不節風火相生邪反滋甚兮斑疹不息毒
反深入兮疫癘再經病齒終身兮癩癧時發鼻常鼽鼻
兮日常赤疼洩數短澁兮乃小腸膀胱之受熱便溏垢
蠱兮必脾胃倉廩之被焚哮喘炎上逆氣丹瘤燦灼赤
形唇舌疳糜兮心脾殘焰未息咽喉腫痛兮管鑰餘燼
猶存皮焦髮槁榮衛之液已竭為腫為熱風寒之客已
深疹後多痢兮熱毒移于大腸咳嗽喉痛兮痰氣聚于

心胸若痧疹而口渴心煩法要生津養血飲食減少治
宜調胃和中餘症不常臨期通變

治疹賦

微汗常出熱勢越而不留清便自調邪氣行而多壅腠
理鬱即當發散腸胃秘亟與疏通衄反解邪利反疏毒
所喜者身上清涼所怕者喉中腫痛飲水頻法在生津養
血飲食少方須救胃和中出之太甚發表為貴出之過
密解毒為先毋伐天和勿傷歲氣溫補須防助邪寒涼

宜顧傷胃應出不出兮初升麻次通聖奪命大發而有
準應收不收兮初葛根次化斑涼膈大解而最靈色淡
白兮為虛四物去川芎加紅花桂枝色紫黑兮為熱化
斑去人參加元參燒屎奪命發斑之聖藥無價解疫癘
之神方散毒防風開發轉關之將連翹解毒制伏降虜
之兵如錦爛漫兮服化斑而艷斂似火薰蒸兮飲涼膈
而熱清咽痛兮甘桔牛蒡止咳嗽更能潤肺溺赤兮導
赤芍藥定驚悸又可涼心便秘兮胆導承氣便泄兮猪

苓黃芩大渴兮膈焦置枯婁于白虎苦煩兮裡熱加山
梔于安神熱不除者柴葛合乎四物或調元湯而加麥
冬知母若兼作搐濟以抱龍鎮驚咳不止者杏芽全乎
阿膠或五拗湯而加茅根地黃若兼帶血喘以補肺大
平注下兮異攻猪苓澤瀉虛滑者大加參苓滯下兮黃
連當歸白芍休息者少與真人惟有牙疳之一症元呼
走馬之名初息臭而內腐漸血出而穿齦內服地黃三
黃兮制其火焰外擦文蛤溺白兮殺其蠱蟲齒牙若脫

落兮崩沙之勢可畏聲音若嘎啞兮孤惑之症難明氣血
已虛八物增減而可飲水穀不納二陳斟酌以堪行欲
定良方藥性宜別荊芥防風發腠理之邪留升麻葛根
開榮衛之蘊熱人參補氣地黃涼血黃連入心而瀉火
黃芩入肺而定喘元參石膏治邪火之浮游梔子連翹
開毒火之鬱結括萎潤肺止嗽須合麥冬知母降火生
津必同黃柏芍藥和其腹痛白朮燥其脾泄治溺赤兮
苓通醫咽痛兮甘桔辰砂可鎮神驚硝黃以通秘結牙

疳文蛤配其溺白喉秘射乾助以鼠粘五味杏仁定喘
氣薄荷竹葉解膚熱火燒人屎蜜炙麻黃發斑毒之出
現今邪毒之抒張枳實山查消脾熱而化毒兜鈴地骨
清肺熱以回瘡消腫定喘兮葶藶取效活血止痢兮忍
冬最良

原疹論

孫一奎曰疹子係生初淫火與痘同出命門兩腎中間
有命門穴臟腑之本十二經脈之根三焦之原呼吸之

門此太極之理而陰陽五行係焉天之癘氣一動則所
稟之毒隨之而發陽感之則出疹陰感之則出痘陽浮
淺故易出易斂然而實成于陰蓋疹非血濟則氣何依
烏能收斂陰陽所以互為其根也昔人謂痘出于臟疹
出于腑皆非也疹出于腑則涕嗽毒從毛竅而出心肺
位高故火症見于上部為多是干于臟矣痘與疹皆出
命門但分陰陽耳痘屬陰故多虛寒而可溫補疹屬陽
故多實熱而可清解發得毒盡則無內攻故服藥起居

不可閉塞其毒亦不得盡情發洩以遺後患

疹症先動陽分而後歸于陰經故標屬陰而本屬陽其熱也氣與血相搏故血多虛耗其治也先發散行氣而後滋陰補血

疹以六時收者非也必出三日後體漸和疹漸收者吉若一出即收變患立至

疹類不同有中府之正疹有癘氣之發疹有風寒之發疹有內傷之發疹有胎熱之發疹

遍身點點如珠色紅似散不散往往成狗癬疥此胎毒似疹也不作疹治

繆仲淳曰痧子者手太陰肺手陽明胃二經之火熱又

感時行瘟疫之氣故發也其症咳嗽嚏涕痰涎口渴嘔

吐煩悶躁亂神昏咽痛唇焦眼中多淚治宜發散清涼

為主辛散之味如荊芥西河柳葛根麻黃牛蒡石膏清

涼之劑如元參竹葉花粉薄荷青黛甘寒之藥如麥冬

蔗漿天冬生地甘草苦寒之藥如黃芩黃連黃柏貝母

大黃

痧疹不宜隨症施治惟當解肺胃二經之邪熱

疹家禁忌

一忌溫補

多用溫補

原缺四字

如人參黃芪白朮

二忌辛熱

多用辛熱反能塞毒如麻黃桂枝

三忌悍燥

熱甚煎血元氣虛耗如桂附之類

四忌鹹酸

食鹹易成哮喘食酸疹沒太早聲音不清

咳嗽成癆

五忌驟用寒涼

雖足以解外熱然適以遏內熱

六忌生冷風寒

遏抑肌膚腠理成麻風痧癆

七忌葷腥辛辣

食雞則終身起粟如鷄皮遇出疹之

時重複出疹食猪肉亦然食蝦蟹則發不透食辛熱則
易驚食煎炒則易泄瀉

已上禁忌須守四十九日重者百日一有犯者終身固
疾

疹家時令